

সারাদেশ

আখাউড়ায় অবৈধ জলাশয় ভরাটে অভিযান, ড্রেজারের এক হাজার ফুট পাইপ ধ্বংস

প্রতিবেদক: ব্রাহ্মণবাড়িয়া প্রতিনিধি

প্রকাশের তারিখ: মঙ্গলবার, ২৮ জুলাই ২০২৬, ০৫:৫৪ PM



ব্রাহ্মণবাড়িয়া প্রতিনিধি

ব্রাহ্মণবাড়িয়ার আখাউড়া উপজেলায় অবৈধভাবে জলাশয় ভরাটের বিরুদ্ধে অভিযান চালিয়েছে উপজেলা প্রশাসন। অভিযানে ড্রেজারের মাধ্যমে জলাশয় ভরাটে ব্যবহৃত প্রায় এক হাজার ফুট পাইপ ধ্বংস করা হয়েছে।

রোববার (২৭ জুলাই) উপজেলার ধরখার ইউনিয়নের মোগড়া সড়ক এলাকায় এ অভিযান পরিচালনা করা হয়। উপজেলা প্রশাসন সূত্রে জানা যায়, ড্রেজারের মাধ্যমে একটি নিচু জলাশয় ভরাটের খবর পেয়ে ভ্রাম্যমাণ আদালত ঘটনাস্থলে অভিযান চালায়।

অভিযান চলাকালে জলাশয় ভরাটের কাজে ব্যবহৃত আনুমানিক এক হাজার ফুট পাইপ ধ্বংস করা হয়। তবে ঘটনাস্থলে সংশ্লিষ্ট ব্যক্তি বা প্রতিষ্ঠানের কাউকে পাওয়া যায়নি। ফলে তাৎক্ষণিকভাবে কারও বিরুদ্ধে আইনগত ব্যবস্থা নেওয়া সম্ভব হয়নি।

উপজেলা প্রশাসন জানিয়েছে, পরিবেশ ও প্রাকৃতিক জলাধার সংরক্ষণে অবৈধভাবে জলাশয় ভরাটের বিরুদ্ধে এ ধরনের অভিযান অব্যাহত থাকবে। পাশাপাশি এ ধরনের কর্মকাণ্ড সম্পর্কে সচেতন থেকে প্রশাসনকে তথ্য দিয়ে সহযোগিতা করার জন্য স্থানীয় বাসিন্দাদের প্রতি আহ্বান জানানো হয়েছে।

এ বিভাগের আরও খবর



রাঙামাটিতে পিকআপ উল্টে নিহত ৪
রাঙামাটির মানিকছড়িতে পিকআপ উল্টে দুই নারীসহ চারজন নিহত হয়েছেন। এ সময় আরো তিনজন আহত হয়েছেন। রবিবার (১৬ আগস্ট) ভোরে সদর উপজেলার সাপছড়ি ইউনিয়নের...



চাঁদার ৫০ হাজার টাকা না দেওয়ায় ব্যবসায়ীকে হাতুড়িপেটার অভিযোগ
নওগাঁর মাদ্যায় ৫০ হাজার টাকা চাঁদা না দেওয়ায় এক ব্যবসায়ীকে হাতুড়ি ও লোহার রড দিয়ে মারধরের অভিযোগ উঠেছে। বৃহস্পতিবার (১৩ আগস্ট) বেলা ১১টার দি...



মসজিদের ভেতরে মুসল্লিকে হাঁসুয়া দিয়ে কুপিয়ে জখম
নওগাঁর মাদ্যায় মসজিদের ভেতরে ঢুকে মামুনের রশিদ মামুন (৩৮) নামের এক মুসল্লিকে হাঁসুয়া দিয়ে কুপিয়ে জখম করার অভিযোগ উঠেছে। শনিবার (১৫ আগস্ট) জো...



Copyright Dhaka Probe